

Uđđálágán toorjâ sämmilii arâšoddâdem kvaliteet árvuštálmân – mittomeerrin nanodiđ já paijeentooláđ säämi kielâ- já kulttuuräärbi

Aalmuglâš škovliittâs árvuštállâmkuávdáš (Karvi) oovded vuossâmuu tove árvuštállâmpargoniävu sämmilii arâšoddâdem kvaliteet árvuštálmân. Pargoniävu keččáluvvo kuttâ sierâ Suomâ kuávuin leijee kieldâst, moh uárnejeh sämmilii arâšoddâdem. Árvuštállâmpargoniävvo in viggeh ohtâlistiđ sämmilii arâšoddâdem kvaliteet árvuštállâm sehe tuárjuđ pargovievâ já jođettem árvuštálmist.

Uđđâ árvuštállâmpargoniävvo in arâšoddâdem pargoviehâ puáhtá árvuštállâđ jieijâs toimâm sämmilii arâšoddâdem pedagogiik olášutmist. Árvuštállâm čuosáttâhhân láá sämmilii arâšoddâdem kuávdášliih teemah, tegu párnái sämikielâ ovdánem já oppâm tuárjum, luánduohtávuotâ, ärbivuáváliih iäláttâsah sehe siärvuslâšvuotâ. Pargoniävu lii rahtum ohtsâšpargoost sämmilii arâšoddâdem pargeiguin já Sämitige nomâtem äššitobdeiguin. Ovdedempargoost láá huoláttâm tast, ete pargoniävu siskáldâsâst čuávuh aalmuglii lahâasâtem já arâšoddâdem stivrejeijee äššikiirijj. Pargoniävu lii finniimist suomâkielâ lasseen puoh sämikieláid.

Sämmilii arâšoddâdem árvuštállâmpargoniävu piiloot adai keččálem algáttui roovvâdmáánust 2022. Piiloot mittomeerrin lii iskâđ, mon pyereest árvuštállâmpargoniävun kullee luámáttâh tuárju sämmilii arâšoddâdem árvuštállâm já ovdedem. Lasseen pilottist keččáluvvo, maht arâšoddâdem sierâ ohtáduvâ in já kieldâ in nurrum amnâstuv puáhtá raportistiđ já ávhástállâđ pargovievâ jieijâsárvuštállâm toorjân.

Piiloot olášuttem pargoo ohtsâšpargoost sämmilii arâšoddâdem fálee kieldâiguin sehe Sämitiggijn. Piiloot fáálá uásálisteid, tegu arâšoddâdem uárnejjeid, jođetteijeid já pargoviehân máhđulâšvuotâ ovdediđ kvaliteet árvuštállâm Karvi torjuin. Pargovievâ vástádâsâid já sist nurrum macâttâs ávhástelli h árvuštállâmpargoniävu oovdedmist. Lasseen árvuštállâmpargoniävu pilotistem iššeed Sämitige sämmilii arâšoddâdem oovdedmist. Piiloot olášumeest já pargovievâ macâttâsâst almostitto raapoort kiđđuv 2023.

Sämmilii arâšoddâdem árvuštállâmpargoniävvo lahtoo tääl ráhtimnáál digitaallii kvaliteetárvuštállâmvuáháduv Valssi uássin. Lasetiäđuh Valssist kávnovej [Karvi nettisiijđoin](#).

Lasetiäđuh:

- árvuštállâmäššitobdee Sivi Harkoma, puh. 029 533 5556, sivi.harkoma@karvi.fi
- árvuštállâmräđiolmooš Janniina Vlasov, puh. 029 533 5543, janniina.vlasov@karvi.fi